

Kilat ki'ik sira kontinua sai 'kauza imediata' ba violénsia Timor-Leste nian maski iha ona esforsu sira atu kontrola kilat: relatóriu foun fó sai

Dili, 6 NOVEMBRU—Haktuir ba relatóriu foun ida-ne'ebé fó sai ohin katak, maski iha esforsu sira foin lalais ne'e nian atu rekolla no harahun kilat sira, kilat ki'ik sira ho estilu sivil no militár nian kontinua sai hanesan kauza imediata ba violénsia iha comunidade sira Timor-Leste nian. Kilat ki'ik sira, dalabarak mosu iha sivil sira-nia liman liuhosi dezviu subar hosi paiól kilat sira estadu nian. Relatóriu ne'e revela katak, kilat sira ne'e, dalabarak intensionalmente, fahe liuhosi rede servisu sira ho protesau nian, maibé medida sira jestaun kilat nian seidauk implementa efetivamente.

Haktuir ba relatóriu ne'e, kuantidade kilat ki'ik sira nian ne'ebé, komparativamente, oituan, bele halo no agrava beibeik violénsia komunál iha dekada liubá, partikularmente iha tinan 1999 no dala ida tan iha tinan 2006. Oras ne'e, númeru kilat sira hosi era koloniál no modernu nian ne'ebé ladún barak, kontinua sai namkari entre grupu sivil lubuk ida, inklui gang sira, grupu arte marsiál sira, no movimentu sira veteranu nian. Aleinde kilat sira ne'ebé halo iha fábrica, kilat 'rakitan' sira, kilat musan, no granada sira ne'e apresenta dezafiu sira-ne'ebé signifikante ba estabilidade.

Hafoin tiha atake fulan-Fevereiru tinan 2008 ba Prezidente no Primeiru Ministru, governu Timor-Leste adota tiha ona aprosimasaun oinoin atu kontrola kilat sira. Governu aplika tiha ona presau fízika (Operasaun Halibur), medida sira-ne'ebé voluntáriu, porezemplu hanesan rekolla kilat (Operasaun Kilat), no hala'o liuhosi enkuadramentu lejislativu nian ida-ne'ebé foun. Maibé, forsa sira seguransa nian seidauk institui polítika rejistu kilat nian ne'ebé estandarizadu, auditoria regulár, ka penalidade sira ne'ebé aumenta ba dezviu subar no na'ok kilat. Sein iha medida sira hanesan ne'e, relatóriu ne'e revela kata, "setór seguransa sei kontinua atu atua nu'udar kanalizasaun ida-ne'ebé potenciál ba kilat nian hosi portadór sira kilat nian ne'ebé legál ba portadór sira kilat nian ne'ebé ilegál."

"Lida ho kilat, ne'ebé publika ohin hosi Austcare no Inkéritu kona-ba Kilat Ki'ik, ezamina kona-ba knaar kilat ki'ik sira nian iha istória resente Timor-Leste nian, haree katak disponibilidade kilat ki'ik sira—no motivasaun sira atu uza kilat ki'ik sira ne'e—evolve tiha ona iha tempu barak nia laran. Relatóriu ne'e relata katak:

- ∇ Prezensa ka influksu kilat ki'ik sira nian ne'ebé lalais mai Timor-Leste hamosu tiha ona kauza imediata ba violénsia ne'ebé periódiku, maibé espalladu.
- ∇ Dezde tinan 1970 nia laran, no espesialmente iha tinan 1990 nia laran, dezviu subar kilat sira hosi paiól sira estadu nian no entrega kilat ho intensaun ba sivil sira hosi forsa seguransa sira, hamosu tiha ona kuantidade kilat sira nian ne'ebé, posivelmente, nunka atu hetan filafali.
- ∇ Maski disponibilidade kilat ki'ik no kilat ho calibre ki'ik sira nian ne'e la'ós buat foun, nivel militarizasaun ne'ebé aas iha sosiedade sivil sai nu'udar fenómenu ida ne'ebé, komparativamente, foun.
- ∇ Uzu kilat ki'ik sira ne'e muda tiha ona iha tempu barak nia laran hosi represaun ba iha insuresaun defeza uma kain, predasaun ne'ebé relasiona ho gang, no atu hamosu intimidasaun.
- ∇ Transferénsia kilat sira ne'ebé foun ne'e, komparativamente, sai raru, maibé paiól públiku sira ne'ebé oras ne'e iha, no difuzaun ne'ebé diriji hosi protesaun ema boot nian, konstitui fonte ne'ebé boot liuhotu ba kilat foun sira iha rai laran.

Relatóriu ne'e sai nu'udar seriál ida ba dahuluk hosi *Nota-Informasaun* sira ne'ebé fó sai hosi Avaliasaun ba Violénsia Armada Timor-Leste nian (TLAVA), nu'udar projetu peskiza independente nian ida maka supervizona hosi Austcare no Inkéritu kona-ba Kilat Ki'ik sira, ne'ebé bazeia iha Jenebra. Bainhira servisu ho parseiru públiku no non-govermentál nian sira, projetu ne'e promove peskiza hodi prevene no hamenus violénsia armada ne'ebé réal no mós tuir ema nia persesaun iha Timor-Leste. Ho apoiu hosi rede servisu parseiru sira nian ida, projetu ne'e sai sai nu'udar sentru ida-ne'ebé bazeia iha Dili atu rai no fahe dadus internasionál no nasional kona-ba tendénsia sira violénsia nian. *Nota Informasaun* sira barak liután sei publika iha fulan hirak tuirmai.

Atu hetan informasaun liután, ka atu hala'o entrevista ho autór relatóriu ne'e nian, kontakta Jay Maheswaren, Austcare, iha telefone: +670 726 5705 ka director_tl@austcare.org.au ka James Turton, iha telefone: +61 (0) 404 114 712 ka jturton@austcare.org.au